

мисл по земан. И рече Бѡгъ: се дахъ вамъ всакую тра-
вѣ сѣменную сѣющую сѣмѣ, еже естъ верхѣ земан всеа:
и всакое древо, еже имать въ себѣ плодъ сѣмене сѣ-
меннаго, вамъ будетъ въ снѣдь: и всѣмъ звѣремъ
земнымъ, и всѣмъ птицамъ небеснымъ, и всакомъ га-
дѣ пресмыкающемуся по земан, иже имать въ себѣ ду-
шѣ живота, и всаку травѣ зеленую въ снѣдь: и бысть
такъ. И видѣ Бѡгъ вса, елика сотвори: и се добра сѣ-
ла: и бысть вечеръ, и бысть оутро, день шестый.

Гл. 2.

И совершишася небо и земля и все оукрашеніе ихъ.
И соверши Бѡгъ въ день шестый дѣла своа, иже сотво-
ри: и почѣ въ день седмый ѿ всѣхъ дѣла своихъ, иже
сотвори. И благослови Бѡгъ день седмый, и ѡсвати егѡ:
иже въ той почѣ ѿ всѣхъ дѣла своихъ иже начатъ Бѡгъ
творити.

Гл. 7.

И рече Господь Бѡгъ къ Нѡю: види ты и весь домъ
твой въ ковчегъ, иже та видѣхъ праведна предо мною
въ родѣ семъ. Ѿ скотѡвъ же чистыхъ введи къ себѣ
седмь, седмь мужескїй полъ и женскїй: ѿ скотѡвъ же нечи-
стыхъ два два, мужескїй полъ и женскїй. И ѿ птицъ
небесныхъ чистыхъ седмь седмь, мужескїй полъ и жен-
скїй: и ѿ всѣхъ птицъ нечистыхъ двѣ двѣ, мужескїй
полъ и женскїй, препитати сѣмѣ по всей земан. Еще во
дней седмь, азъ наведу дождь на землю четьредесать
дней и четьредесать ношей: и потреблю всакое востаніе,
еже сотворихъ, ѿ лица всеа земан. И сотвори Нѡе вса,
елика заповѣда емѣ Господь Бѡгъ. Нѡе же въ лѣтъ
шести сотъ, и потѡпъ водный бысть на земан. Виде
же Нѡе, и сынове егѡ, и жена егѡ, и жены сынѡвъ егѡ
съ нимъ въ ковчегъ, воды ради потѡпа. И ѿ птицъ чи-
стыхъ, и ѿ птицъ нечистыхъ, и ѿ скѡтъ чистыхъ, и ѿ